

**REGULAMENTO PARA A ELECCIÓN DE CANDIDATOS/AS DE SOMOS CAMBADOS  
PARA AS ELECCIÓNS MUNICIPAIS DO 26 DE MAIO DE 2019.**

**Artigo 1. Sistema de elección.**

1. O sistema de elección da persoa que encabece a candidatura de SOMOS CAMBADOS ás vindeiras eleccións municipais do ano 2019 en Cambados será o de primarias abertas a cidadanía. A persoa que encabece a candidatura na localidade será a proposta de SOMOS CAMBADOS a ser alcalde ou alcaldesa.

2. No caso de que se presente unha única persoa a encabezar a candidatura municipal de SOMOS CAMBADOS e, xa que logo, a alcaldía, será votada nunha Asamblea de SOMOS CAMBADOS con dereito a voto ao vir participando activamente nas Asambleas de Somos Cambados ou ben estar inscrito en En Marea

**Artigo 2. Condición de electores.**

1. Da afiliación e dos simpatizantes.

- a) Teñen a condición de electores aquelas persoas que figuren inscritas no censo de afiliación de SOMOS CAMBADOS ou participen activamente nas Asambleas de Somos Cambados, aínda que teñan fixada a súa residencia nun concello distinto de Cambados e foran na lista electoral de Somos Cambados nas eleccións de 2015.
- b) Aquelas persoas inscritas no censo de simpatizantes de EN MAREA con dous meses de antelación, sempre que teñan a súa veciñanza/empadroamento no municipio de Cambados.

2. Para ter a condición de electores debe terse cumprido os 16 anos.

3. Para adquirir a condición de elector aquelas persoas que non estean xa inscritas nos censos de Somos Cambados ou En Marea, que teñan a vontade de participar no proceso de votación a elección do candidato/a á alcaldía e o manifesten previamente à Comisión Electoral sexan xa membros de Somos Cambados ou non, estas poden facelo cubrindo un impreso no que se manifesten por escrito o seguinte,:

- a) Datos persoais recollidos no DNI.
- b) Que está empadroado no concello de Cambados.
- c) Que comparten os principios e apoian o proxecto político que representa SOMOS CAMBADOS asumindo o seu Código Ético e comprometerse a participar activamente nas Asambleas de Somos Cambados.

4. Somos Cambados facilitará, a aquelas persoas que llo soliciten, modelos normalizados para acreditar o cumprimento dos requisitos sinalados neste apartado, procurando que devandita acreditación se poida realizar, se for posible, por medios telemáticos a través da web de Somos Cambados ou mediante correo electrónico dirixido a [somosmaioriacambados@gmail.com](mailto:somosmaioriacambados@gmail.com). O local no que se celebren as votacións terá que ter unha mesa de incidencias, con unha Comisión Electoral que determine a Asamblea de Somos Cambados, na que os electores



poidan acreditar a súa inscrición no censo para poder exercer o seu dereito ao sufraxio activo e cumprindo integramente o recollido neste Artigo.2.

5. Cada persoa só poderá avalaer unicamente a un candidato/a.

**Artigo 3. Condición de elixible.**

1. Poderán ser candidatos a encabezar as listas de SOMOS CAMBADOS as vindeiras eleccións municipais do 2019 todas aquelas persoas maiores de 18 anos que teñan a condición de electores de acordo co establecido no artigo 2 deste Regulamento e que asinen o código Ético de Somos Cambados.

2. Para facilitar o coñecemento das persoas candidatas aos electores, na páxina web de Somos Cambados habilitarase un espazo específico para todos e todas coas mesmas dimensións, a que inclúan a información sobre eles mesmos consideren oportuna.

**Artigo 4. Período no que se teñen que celebrar as primarias.**

1. O período no que se ten que desenvolver todo o proceso de primarias abertas e elección de candidatos as vindeiras Eleccións Municipais comprenderá desde o 28 de setembro do 2018 até o 10 de novembro do 2018.

**Artigo 5. Procedemento.**

A partir do 28 de setembro poderanse presentar as candidaturas a SOMOS CAMBADOS. A Comisión Electoral tamén comunicará aos simpatizantes de SOMOS CAMBADOS o prazo no que se poden presentar candidaturas. Na medida do posible, a Comisión Electoral deberá facer público e dar a coñecer á cidadanía do Concello que se abre o proceso de primarias e a data, a partir da cal, calquera persoa que teña a condición de elixible, poderá presentar a súa candidatura.

A presentación da candidatura farase preferentemente a través da web Somos Cambados, e das páxinas de FB. Tamén se poderá presentar candidaturas mediante correo electrónico dirixido a [somosmaoriacambados@gmail.com](mailto:somosmaoriacambados@gmail.com)

As persoas candidatas poderán designar entre os/as afiliados/as e simpatizantes o seu "equipo electoral" que será dado a coñecer ao conxunto da organización e que poderán exercer funcións de representación e intervención en todo o proceso electoral. O "equipo electoral" da persoa de Somos Cambados elixida como candidata para as eleccións municipais, será o encargado de realizar a lista electoral que será votada pola Asamblea de Somos Cambados antes do 30 de abril de 2019, e deberá obter para a súa aprobación definitiva a metade máis un dos votos emitidos na mesma, ou ben polo sistema que establezca o "equipo electoral" do



candidato elixido, sempre que garante que a lista electoral sexa refrendada e votada pola Asamblea de Somos Cambados.

O prazo para presentación de candidaturas será ata o 31 de outubro de 2018. Transcorrida este prazo daranse a coñecer, nos 3 días hábiles seguintes, a través da web e das páxinas correspondentes de FB, as persoas que, cumprindo co establecido no artigo 3 deste regulamento, presentaran a súa candidatura a encabezar a listaxe de SOMOS CAMBADOS. Tras coñecer as candidaturas presentadas a Comisión Electoral fixará, as datas na que os candidatos poderán facer campaña, así como a data e o lugar no que se van a celebrar as primarias abertas a cidadanía. O día no que se celebre a votación terá que ser o inmediatamente posterior ao que remate a campaña dos candidatos. A Comisión Electoral procurara que o día da votación coincida en fin de semana ou nas datas nas que a meirande parte dos electores se poidan achegar a votar. A Comisión Electoral deberá de procurar que o lugar onde se vaian a celebrar as votacións sexa coñecido no municipio e de fácil acceso.

#### **Artigo 6. Intervención dos candidatos.**

1. O día da votación os candidatos poderán facer un exposición pública acerca da súa candidatura e das súas propostas. O tempo da duración desta intervención non será superior a 15 minutos.
2. A orde na que intervirán os candidatos virá determinada por sorteo, que se celebrara con carácter previo as intervencións dos mesmos.

#### **Artigo 7. Votación**

1. A votación celebrarase en Asamblea no lugar e data que fixará a Comisión Electoral de acordo co previsto no artigo 5 deste Regulamento.
2. No lugar da votación haberá unha mesa electoral, composta polos tres membros designados, por Asamblea como Comisión Electoral.
3. No momento da votación os electores deberán de ensinar o seu Documento de Identidade, comprobando os membros da mesa que se atopan inscritos no censo electoral (como afiliado ou simpatizante de acordo co establecido no artigo 2 deste regulamento).
4. A votación dos candidatos farase en urna na Asamblea.

#### **Artigo 8. Proclamación de candidatos.**

1. Entenderase por votos válidos todos os emitidos a algunha das candidaturas e os votos en branco. Xa que logo, non serán computados como válidos os votos nulos.



2. No caso de que unha única persoa a se presentara para encabezar a candidatura municipal de SOMOS CAMBADOS e, xa que logo, a alcaldía, será proclamada esa persoa sempre e cando obteña máis votos a favor que en contra.
3. No caso de que se presentasen dúas persoas as primarias, será proclamada candidata aquela que obteña o maior número de votos.
4. No caso de que se presentasen máis de dúas persoas as primarias, será proclamada candidata aquela que obteña o maior número de votos, sempre e cando supere o 40% dos votos válidos emitidos. Se ningún dos concorrentes acadara o 40% dos votos validamente emitidos convocarase unha segunda volta, á que poderán concorrer só os dous aspirantes co maior número de votos da primeira volta. A segunda volta celebrarase 7 días despois, e será proclamada candidata aquela que obteña o maior número de votos.
5. Se de acordo co establecido nos apartados anteriores, ningún aspirante obtivese os votos necesarios para poder ser proclamado candidato, ou se retirasen os/as aspirantes, a Asamblea de Somos Cambados poderá optar entre convocar un novo proceso de primarias.

#### **Artigo 9. Comisión Electoral.**

1. Constituirase unha Comisión Electoral que estará conformada por 3 persoas propostas pola Asamblea de Somos Cambados. Nesta Comisión poderán participar membros do Partido e persoas de recoñecido prestixio e relevancia social, sen necesidade de que estean afiliadas a SOMOS CAMBADOS. En todo caso as non afiliadas a SOMOS CAMBADOS non deben superar a metade da Comisión Electoral.
2. A Comisión Electoral terá como función velar polo correcto funcionamento de todo o proceso. A Comisión electoral terá entre os seus cometidos:
  - a. Elaborar o calendario electoral en detalle, se fora preciso cumprimentar ao establecido neste Regulamento.
  - b. Interpretar o presente Regulamento e resolver todas as dúbidas que poidan xurdir da súa aplicación ao longo de todo o proceso de primarias.
  - c. Coordinar o calendario das diferentes xornadas de votación.
  - d. Supervisar o proceso electoral
  - e. Elaborar as normas, documentación e información precisa para a votación e recuento.
  - f. Publicar os resultados e proclamar aos candidatos ou candidatas que resulten elixidos.
  - g. Resolver as reclamacións que puideran presentarse no curso do proceso en relación co mesmo.
  - h. Regular aquelas cuestións non establecidas neste regulamento, nin nos documentos de Somos Cambados relacionados con este proceso.
  - i. Dispoñer de recursos humanos e técnicos se fora preciso.
  - j. Elaborar unha previsión orzamentaria de ser o caso.



4. Na primeira reunión de carácter constitutivo os/as seus integrantes elixirán as seguintes responsabilidades: presidente e secretario.

5. As reunións ordinarias para considerarse validamente constituídas deberán contar como mínimo coa asistencia de 2/3 dos seus membros.

**Artigo 10. Recurso contra a proclamación de candidatos.**

Fronte a proclamación de candidatos realizada pola Comisión Electoral, os aspirantes non proclamados candidatos poderán interpoñer, no prazo dos dous días seguintes, unha reclamación fronte a mesma. A Comisión electoral resolverá, no prazo de 5 días, as reclamacións presentadas fronte as proclamacións de candidatos.

**DISPOSICIÓN FINAL.** Entrada en vigor. O presente regulamento entrará en vigor o día seguinte ao da súa aprobación pola Asamblea de Somos Cambados.

